

مجموعہ ابوالضیا

ماسوا شاہ سندن دلی تطہیرہ چالش

پر تو حکمت و عرفان ایلا توہرہ آتش

علوم و معارفدن بحث ایدرہ و ہرماہ عربی اجناسیلہ اون بشتہ نشر اولنور فتون غزتمہ ایدرہ

نومرو ۱۵ - جلد ۲ [فی ۱۵ ربیع الآخر سنہ ۱۲۹۸] نسخہ سی ۳ فروش

مرجان

—

مرجان محصولات بحریه دن اولوب، فوق الغایه صلابته و قبول جلا خاصه سنه مالک و غایت پارلاق ولون اجر ایله معروفدر .
 مرجان دکڑک دیننده بولنان قیالره یاپیشیر که قدمای طبیعیون عرب بوقیالره « سلسله الجبابج » نامنی ویرمشاردر .

مرجانه بحرسفید و بحر اجرک سواحل مختلفه سنده تصادف اولنور؛ شوقدر که دکڑدن اوج مترو بوکسکهده یعنی سطح مادن اومقدار بوقاریده بولندیغی کبی دکڑک دخی ۳۰۰ مترودن آشانخی اولان برلنده بولنه من .
 مرجانه قدماک عمومی و متأخریندن بعضاری برنبات بحری نظریله باقارلدی . بو کونسی کونده ایسه اصطلاح طبهده (اتحاد حویثات) دنیلان وجهیته یشایان عباره سیله تفسیر اولنه ییلان بر (بولیب) یعنی (لحم نابت) نظریله باقارل . بو مخلوق غریب دکرده باقلدیغی حالده دالسز، یپراقسز بر شجره صغیره یه بکزر .

تعریف

مرجانک قطعات مرکزیه سی صلابتهده مرمرله مساویدر . مرجانک سطحی آزچوق (منخطط) یعنی جزکیلی، و بو جزکیلر یکدیگریته موازی اولوب، فقط مساوی دکلدر .

بومحورلر بریموشاق قابوق ایله اورتلش؛ و براینجه زار ایله و غایت سیرک لیقلره یاپیشدر . بونارک دروننده برطاقم (غده) ل یعنی بزل بولنور که بوزل سود کبی برعصاره ایله مملودر . ایشته بویض صو مرجانک قطعات منجمده سنی یکدیگریته نوعا ربطه خدمت ایدیور؛ و اوزرنده بولنان غایت طاغنیق وقاعده سی کنیش طومر جقلاری یاخود پروزلری بوعصاره واسطه سیله برلشور . بودانه لک تپه لرنده ایسه سکرز دلیک بولنور که هر بر دلیک فرانسزجه (بولیب) و عربجه لحم نابت اطلاق

اولئان خرده بینی حیواناته مسکن و مأوی در . بو حیوانلرایسه ایکی بارچه دن عبارتدر . بو بارچه لك بری کیسه شکنده یو وارق اولمغله (حجره کلسی) یعنی (یووا) ده محفوظدر . و دیگر ی بو (حجره کلسینک) خارجنده اسطوانی الشکلدر که اوج طرفنده آغز بولنور . و سکن عدد لو احق لامسه موجوددر که بولواحق اگلی و یاصسی و بر طرفلرنده کوچوك چیقندیاری حاویدر .

طبیعیوندن (لاقاز دوتیر) نام حکیم مرجان جمعیتی مدققانه تتبع ایشدر . آنک خلاصه تدقیقجه مرجان جمعیتک افرادی کاه مذکر ، و کاه مؤنث و کاه هیجده خنثی درل .

لحم نابلرده اکثریت اوزره کاه ارککلرک و کاه دیشیلرک بر جمعیتده یکدیگر بنه غلبه چالشدقاری مشهوددر .

مرجانک یورطه سی

کری الشکل ، کشف و سود بیاض اولوب اینجه و اوزون صاپلری حاویدر . یورطه لك نقطه استنادلرینک انکساری حالنده بو صاپلرده قیریلرلر . آنالینک قرننده بر کوچوك بیاض قوردجغز اولورل یورطه دن چیققدقاری یعنی بولندقاری صوبی دکشدر دکلری حالده یاوریلر اوزانیر ؛ و حرکت ایدرل .

مرجانک لونی

فرانسه نك جهت جنوبیه سنده چیقان مرجانک لونی غایت لطیف و قوی قرمزی در . ایتالیا سواحلنده چیقان مرجان فرانسه سواحلنک مرجانه همان یاقلا شیر . تونس صولنده کی اوچنجی مرتبه ده اولوب ، پارلاقلیغی دخی اونسته در . (*)

نچسارنده بش نوع مرجان واردر : برنجیسنه (قان کوپوکی)

(*) درت بش سنده دن بری رودوس جزیره سنك فقط سواحل جنوبیه سنده مرجان چیقارلمغه باشلامشدر که کرک قرمز یلق و کرک پارلاقلیجه و بخصوص قبول جلاده فرانسه مرجانه تفوق ایشدر .

ایکنجیسنه (قان چیچی) اوچنجیسنه (برنجی قان) دردنجیسنه (ایکنجی قان) و بشنجیسنه (اوچنجی قان) اطلاق ایدرلر .

مرجانک خواص واستعمالی

اسکی اطبا مرجانی پک چوق استعمال ایدرلر واسهالی قاطع بردو، دیه ویرلر دی . مقوی ظن ایتنه لینه سبب کندوسنک قرمری اولمسی درکه بولون اچردن، دروننده پک چوق (دمیر) بولندیغنه ذاهب اولورلر دی . قدما ی اطبا مرجانی سفوف، حبوب، معجون، جرع و صیغ صورتلرنده (رنکین خسته له) ویرلر دی .

زمانا غمرده ایسه یالکز دیش طبیلری دیشلری تطهیرده مرجانی طوز صورتده قوللانیورلر .

مرجانک ترکیباتده (قاربونیت کلس) برازماغیریا ایله حض حدید واردلر .

تاریخ

اسلامده اتخاذ خاتم - وبعض خلقانک مهرلری :

خاتم ختم اولندجق شیئه باصیلان مهر معناسنه در . پارمغه طاقیلان یوزکه خاتم اطلاق ایسه عبارۀ مهرک یوزوک اوزرینه نقش اولمش اولملقنی اعتباریله در .

شمائلک بیاننه کوره کبار اصحابدن انسک (رضی عنه) روایتی اوزره علیه الصلوات افندمک ابتدا مهر اتخاذ ایتلرینه ملک عجمه ارسال پیوره جقلری نامه سبب اولمشدر . وروایت اخرايه کوره قیصر رومه ویاخود ملک حبش اولان نجاشی به - اسلامه دعوتی متضمن - نامه